



Janet Roganti, vegn da la Bregaglia e è uss fotografa a Lugano.



Mattea Gianotti abita uss a Bidogno.

NUA VA LA GIUVNETGNA?

Giuvens e giuvnas partan da las vals grischunas per ir en differentas citads svizras u en autras cuntras per studegiar, per emperder e duvrar lur professiun. Nus vulain savair nua che la giuventetgna dad oz va e tge ch'ella fa en «terra estra». Sin questa pagina in pèr patratgs da Janet Roganti e Mattea Gianotti – duas dunnas giuvnas che vegnan da la Bregaglia e ch'abitan uss en il Tessin.

Janet Roganti (26) fotografa a Lugano

«Il Tessin ma plascha pervia dal clima chaud e perquai che la primavaira ariva qua pli baud ch'en Bregaglia. A Lugano ma sent jau bain er perquai ch'igl è ina citad e perquai che jau hai la pussaivladad d'esser en curt temp a Milaun. Qua èn ins pli liber, pli anonim e qua pon ins far dapli. Per quai che riguarda la lavur n'avain nus en Bregaglia naginas pussaivladads. L'unica

chaussa ch'ins pudess far là è ina lavur d'artista (ma per quai drov'ins raps). Autramain n'exista en Bregaglia gnanc la professiun da fotografa. La gliעד n'ha betg interess da sa laschar documentar. A Lugano datti dapli pussaivladads ma natiralmain er blers fotografas, perquai nun èsi propi facil da chattar ina buna piazza. Jau stun però bain ed uschè ditg che quai è uschia vegn jau a star qua.»

Mattea Gianotti (24) grafica e tipografa a Bidogno

«Jau sun stada en Bregaglia fin che jau aveva sis onns. Jau tutg tar la Bregaglia pervia da la lingua e pervia da la gliעד che jau visit savens. I ma fa adina plaschair sche la gliעד sa tgi che jau sun. En Bregaglia ma sent jau pli dattiers a mamezza. Là datti main traffic e main midament. En Bregaglia èsi pli genuin. E da vesair gia davent da Chiavenna las muntognas gizzas ma mueventa.

Il Tessin ma permetta dad avoir dapli access ad exposiziuns, al kino, teater, ed a Milaun. Quai correspunda dapli a mes interess. Jau sun stada er in temp a Losanna. Là ma mancava la part persunala. Però per la lavur èsi impurtant da vesair bleras chaussas e da viver tranter blera gliעד.

Quai è mes dilemma. En sasez vuless jau adina esser en viadi, perquai che jau ma legr dad ir davent ma alura er da turnar!»

Anna Ratti